

Kila Kanisa ni Shule ya Mafunzo

Robo wa Bwana yu juu yangu, Kwa maana amenitia mafuta kuwahunzika maskini habari njema. Amenituma kuwatangazia wafungwa kufunguliwa kwao, Na viposfu kupata kuona tena, Kuwaacha huru waliosetwa—Luka 4:18.

Mungu katika kuwapa watu Wake nuru zamani, hakufanya kazi kupitia kundi fulani pekee. Danieli alikuwa wa ukoo wa kifalme wa Yuda. Isaya pia alikuwa wa ukoo wa kifalme. Daudi alikuwa kijana mchungwa kondoo, Amosi mchungaji, Zakaria mateka wa Babeli, Elisha mkulima. Bwana aliinua manabii na viongozi kuwa wawakilishi Wake, wa daraja la juu na la chini na Aliwafundisha ukweli uliipaswa kutolewa kwa ulimwengu....

Kila kanisa linapaswa kuwa shule ya mafunzo kwa ajili ya watendakazi wa Kikristo. Washiriki wake wanapaswa kufundishwa jinsi ya kutoa mafunzo ya Biblia, jinsi ya kuendesha na kufundisha madarasa ya shule ya Sabato, namna nzuri ya kuwasaidia masikini na kuwajali wagonjwa, jinsi ya kufanya kazi kwa ajili ya ambao hawajaongoka. Kunapaswa kuwa na shule za afya, shule za mapishi na madarasa katika safu mbalimbali za kazi ya usaidizi wa Kikristo. Hakupaswi kuwa tu na mafundisho, bali kazi maalum chini ya wafundishaji wenye uzoefu. Hebu walimu waongoze njia katika kufanya kazi miongoni mwa watu na wengine wakijiunga nao, watajifunza katika mfano wao. Mfano mmoja ni wa muhimu mno kuliko kanuni nyingi....

Ikiwa wale ambao Mungu amewapatia talanta kubwa za uwezo wa kufikiri huzitumia karama hizi kwa ubinafsi, wataachwa baada ya kipindi cha majaribu, kufuata njia yao wenyewe. Mungu atawatumia watu ambao hawaonekani kuwa wamekirimiwa kwa vipaji vingi, ambao hawajitumainii nafsi na Atawaimarisha wadhaifu, kwa sababu wanamtumaini Yeye kufanya kwa ajili yao kile ambacho hawawezi kujifanyia wenyewe. Mungu atakubali huduma iliyofanywa kwa moyo wote na Yeye Mwenyewe atarekebisha mapungufu....

Kauli ambavyo baraka Zake ziliwajia mateka katika nyua za Babeli, ndivyo ambavyo Anatoa hekima na maarifa kwa watendakazi Wake leo.

Watu waliopungukiwa na elimu ya shule, wanyonge katika nafasi ya kijamii, kwa njia ya neema ya Kristo, wakati mwingine wamefanikiwa kwa njia ya ajabu katika kuongoa roho kwa ajili Yake. Siri ya mafanikio yao ilikuwa ni imani yao kwa Mungu. Kila siku walijifunza toka Kwake Yeye ambaye ni mshauri wa ajabu na hodari katika uweza.

Watendakazi wa aina hiyo wanapaswa kutiwa moyo. Bwana anawakutanisha na wale wenye uwezo mkubwa, ili kujaza nafasi ambayo inachwa na wengine. Uwezo wao wa haraka kuona kile kinachopaswa kufanyika, utayari wao kuwasaidia wale walio wahitaji, maneno na matendo yao mema, hufungua milango ya manufaa ambayo vinginevyo ingebaki kuwa imefungwa. Wanawafikia wale wenye shida na mvuto wa ushawishi wa maneno yao una nguvu wa kuzivuta roho nyingi ziteterekazo kwa Mungu. Kazi zao zinaonesha kile ambacho maelfu ya wengine wanaweza kufanya (**The Ministry of Healing, 148 – 151**).